

ა.(ა).ი.პ ქედის ბაგა-ბაღების გაერთიანება

ცხოველური პროდუქტების, ხორცისა და ხორცის პროდუქტების
გამარტივებული ელექტრონული ტენდერი

სატენდერო დოკუმენტაცია
(CPV – 15100000)

2016 წელი

დაბა ქედა

სარჩევი

1. ინფორმაცია ტენდერში მონაწილეობისათვის
2. ტექნიკური დოკუმენტაცია
3. ხელშეკრულების აუცილებელი პირობები
4. ერთიან ელექტრონულ სისტემაში პრეტენდენტის მიერ ასატვირთი ტექნიკური დოკუმენტაცია
5. დამატებითი ინფორმაცია
6. დანართი №1 ფასების ცხრილი მიწოდების გრაფილი.
7. დანართი №2 მისამართები

1. ინფორმაცია ტენდერში მონაწილეობის

სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, „სახელმწიფო შესყიდვების განხორციელების წესის შესახებ“ სახელმწიფო შესყიდვების სააგენტოს დებულებისა და „გამარტივებული შესყიდვის, გამარტივებული ელექტრონული ტენდერისა და ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. იხ. <http://procurement.gov.ge/>.

1.1. წინადადების წარდგენის დროს პრეტენდენტმა პირველ რიგში სისტემაში უნდა ატვირთოს ტექნიკური დოკუმენტაცია. ამასთან, სატენდერო წინადადების ფასი, არ უნდა აღემატებოდეს შესყიდვის სავარაუდო ღირებულებას, ან უნდა იყოს შესყიდვის სავარაუდო ღირებულებაზე სულ მცირე ერთი ბიჯით ნაკლები. ტექნიკური დოკუმენტაციის ატვირთვისა და წინადადების ფასის მითითების შემდეგ, დაუშვებელია ატვირთული ტექნიკური დოკუმენტაციის სისტემის მეშვეობით შეცვლა, გაუქმება ან წაშლა.

1.2. ტენდერში გამოყენებული იქნება სატენდერო წინადადების უზრუნველყოფის საბანკო გარანტია, რომელიც უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით და მოქმედების ვადა უნდა შეესაბამებოდეს „გამარტივებული შესყიდვის, გამარტივებული ელექტრონული ტენდერისა და ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-16 მუხლის მე-2 პუნქტის მოთხოვნებს. ტენდერში მონაწილეობის საფასური შეადგენს 50 ლარს.

1.3. წინადადებების წარმოდგენა შესაძლებელია მხოლოდ სისტემის მეშვეობით აფიდავიტის პირობებზე დათანხმების, ელექტრონული გარანტიის წარდგენისა და საფასურის გადახდის შემდეგ. სატენდერო წინადადება ძალაშია „გამარტივებული შესყიდვის, გამარტივებული ელექტრონული ტენდერისა და ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

2. ტექნიკური დოკუმენტაცია:

2.1 შესყიდვის ობიექტის მოცულობა და სავარაუდო ღირებულება:

2.1.1 შესყიდვის ობიექტის სავარაუდო ღირებულება შეადგენს 47800 ლარს

2.1.2 შესყიდვის ობიექტს წარმოადგენს საქონლის (ძროხის) ხორცი და ქათმის ხორცი

№	საქონლის დასახელება	საქონლის ტექნიკური და ხარისხობრივი მახასიათებლები	განზომილების ერთეული	რაოდენობა
1	საქონლის (ძროხის) ხორცი	ახალი საქონლის ხორცი, ძვალგამოცლილი (ფილე) მყესების, ქონისა და თხელი ნაჭრების გარეშე. ორგანოლექტიკურად (ფერი-ვარდისფერი, სუნი-სასიამოვნო, კონსისტენცია - ნორმალური) დამაკმაყოფილებელი. გაყინული და შემდეგ გამდგარი ხორცის მიწოდება დაუშვებელია.	კგ	2800
2	ქათმის ხორცი	ახალი, (გაცივებული) ქათმის ხორცი. გაუყინავი, უთავო, უფეხო, გამოშიგნული(შიგთავისა და ჩიჩახვის გარეშე. ერთი ერთეულის (ქათმის) წონა არანაკლებ 1500 გრ და არაუმეტეს 3000 გრ	კგ	1300

2.2 სტანდარტები და წესები:

2.2.1 მიწოდებული საქონელი უნდა შეესაბამებოდეს საქართველოს შრომის, ჯანმრთელობისა და სოციალური დაცვის სამინისტროს 2001 წლის 16 აგვისტოს №301/ნ ბრძანების „სასურსათო ნედლეულისა და კვების პროდუქტების ხარისხისა და უსაფრთხოების სანიტარული წესებისა და ნორმების დამტკიცების შესახებ“ და საქართველოს მთავრობის 2010 წლის 7 მარტის №90 დადგენილების „ცხოველური წარმოშობის სურსათის ჰიგიენის სპეციალური წესის“ მოთხოვნებს.

2.2.2 საქონლის პირველადი და მეორადი დამუშავების ადგილი და პირობები, ჩლიქოსანი ცხოველის დაკვლის შედეგად მიღებული ხორცის დაჭრა და ძვლების გამოცლა უნდა განხორციელდეს საქართველოს მთავრობის 2012 წლის 7 მარტის №90 დადგენილების „ცხოველური წარმოშობის სურსათის ჰიგიენის სპეციალური წესის“ მოთხოვნების დაცვით;

2.2.3 ხორცის დაჭრა, ძვლებისგან გამოცლა, უნდა განხორციელდეს ისე, რომ ტემპერატურა უნდა შენარჩუნდეს არაუმეტეს +7C - +10C-ზე. აღნიშნული ტემპერატურა უნდა იქნეს მიღწეული მის ტრანსპორტირებამდე და შენარჩუნდეს ტრანსპორტირების განმავლობაში;

2.2.4 დარბილებული ხორცის ვარგისიანობის ვადა არ უნდა აღემატებოდეს 48 საათს ზემოაღნიშნული ტემპერატურული რეჟიმის პირობებში (ხორცის მიღებისას გასული უნდა იყოს ვადის არაუმეტეს 50%-24 საათი);

2.2.5 მიწოდებული ხორცის ყველა ნაჭერზე დასმული უნდა იყოს ვეტერინარის დამლა, რომელიც უნდა იკითხებოდეს. ყველა მიწოდებულ პარტიას უნდა ახლდეს ვეტერინარის მიერ გაცემული ცნობა -ფორმა №2 რეალიზებული პროდუქციის შესახებ, რომელიც სხვა დოკუმენტებთან ერთად წარმოდგენილი უნდა იყოს ააიპ „ქედის ზაგა- ბაღების გაერთიანების“ ადმინისტრაციაში;

2.2.6 ქათმის ხორცის (გაციებული) შენახვის ვადა უნდა იყოს გაციების დამთავრებიდან 48 საათი +2 +4°C ტემპერატურული რეჟიმის პირობებში. (ხორცის მიღებისას გასული უნდა იყოს ვადის არაუმეტეს 50 % - 24 საათი).

2.2.7 თითოეული ქათმის ხორცზე დასმული უნდა იყოს ვეტერინალური დამლა, რომელიც უნდა იკითხებოდეს. ყველა მიწოდებულ პარტიას უნდა ახლდეს საქართველოს კანონმდებლობით განსაზღვრული შესაბამისი ვეტერინალური მოწმობა - ფორმა №2

2.2.8 მიმწოდებელი ვალდებულია კვარტალში ერთჯერ (თავისი ხარჯებით) წარმოადგინოს, როგორც საქონლის (ძროხის) ხორცის ასევე ფრინველის (ქათმის) ხორცის მიკრობიოლოგიური კვლევის შესახებ შესაბამისი ინფორმაცია (აკრედიტებული ლაბორატორიის მიერ გაცემული გამოცდის ოქმი). ხორცის ნიმუშების აღება განხორციელდება ერთობლივად შემსყიდველისა და მიმწოდებლის უფლებამოსილი პირების მიერ;

2.2.9 საქონლის მიწოდება ობიექტებამდე უნდა განხორციელდეს სპეციალიზებული მაცივარ მანქან(ებ)ით (მაცივრიანი სატრანსპორტო საშუალება), სადაც დაცული იქნება საქონლის შენახვისა და ტრანსპორტირებისათვის საჭირო პირობები (ტემპერატურა, ჰიგიენური პირობები);

2.2.10 მიწოდებული საქონლის ყოველი პარტიიდან, შემსყიდველის მიერ გარკვეული ნაწილის დაწუნების (უხარისხობის გამო) შემთხვევაში, მიმწოდებელი ვალდებულია დაუყოვნებლივ ჩაანაცვლოს იგი სატენდერო დოკუმენტაციით განსაზღვრული საქონლის ხარისხობრივი მახასიათებლების შესაბამისი საქონლით, სრული მოცულობით, წინააღმდეგ შემთხვევაში აღნიშნული მიწოდება ჩაითვლება არასრულყოფილად მიწოდებაში და მიმწოდებელს დაეკისრება სატენდერო დოკუმენტაციის 3.3 პუნქტით გათვალისწინებული პირგასამტეხლო

2.3 ფასების ცხრილი და მოწოდების გრაფიკი:

2.3.1 თუ პრედენდენტი არ არის დ.დ.გ.-ს გადამხდელი, საქართველოს კანონმდებლობის შესაბამისად, მისი სატენდერო წინადადება წარმოდგენილი უნდა იყოს დ.დ.გ.-ს გარეშე (პრედენდენტმა შენიშვნის სახით უნდა მიუთითოს გარემოება, რის საფუძველზეც არ ითვლება დ.დ.გ.-ს გადამხდელად).

2.3.2. საქონლის მიწოდება უნდა განხორციელდეს 2016 წლის **ხელშეკრულების დადებიდან**, 2016 წლის 31 დეკემბრის ჩათვლით;

2.3.2 მიწოდების ადგილი - დაბა ქედა 14 მისამართზე საბავშვო ბაღებში დანართი N2 შესაბამისად;

2.3.3 ფასების ცხრილი და მიწოდების გრაფიკი - **დანართი #1** შესაბამისად;

2.3.4 „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 2¹ პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის საფუძველზე, 3 (სამი) სამუშაო დღის ვადაში უნდა წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი დოკუმენტაცია. ფასწარმოქმნის ადეკვატურობა, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან ანგარიშგაქტურით (ინვოისით) ან/და სხვა ისეთი დოკუმენტით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.3.5 შემსყიდველი უფლებამოსილია ხელშეკრულებით განსაზღვრული საქონლის რაოდენობა არ აითვისოს სრულად (ხელშეკრულებით გათვალისწინებული საქონლის ათვისება განისაზღვრება ბეშვთა ფაქტობრივი გამოცხადების შესაბამისად);

2.4 პრეტენდენტი პირის რეკვიზიტები:

- პრეტენდენტის იურიდიული ფორმა და დასახელება
- საიდენტიფიკაციო კოდი/ ნომერი
- პრეტენდენტის იურიდიული და ფაქტიური მისამართი:
- ხელმძღვანელის სახელი, გვარი

- პრეტენდენტის ტელეფონის ნომერი: ☐☐ტელ.:; ☐☐ფაქსი.:; ☎ მობ.:;
- ელექტრონული მისამართი, E-mail:
- ბანკის დასახელება
- ბანკის კოდი
- ანგარიშსწორების ანგარიში

3. ხელშეკრულების აუცილებელი პირობები:

3.1. ანგარიშსწორების პირობები:

- ა) ანგარიშსწორების ფორმა - უნაღდო;
- ბ) ვალუტა - ეროვნული ვალუტა - ლარი;
- გ) ანგარიშსწორება მიმწოდებელთან განხორციელდება, ეტაპობრივად, ფაქტიურად გაწეული მომსახურების დამადასტურებელი სასაქონლო ზედნადებისა, მიღების-ჩაბარების აქტის (დღგ-ს ანგარიშ- ფაქტურის) წარმოდგენის შემდეგ 15 კალენდარულ დღეში.
- დ) მიმწოდებელი ვალდებულია შემსყიდველთან ერთად დააფიქსიროს შესრულებული მომსახურების ღირებულება;
- ე) მომსახურების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.
- ვ) საავანსო ანგარიშსწორება არ გამოიყენება;

3.2 სატენდერო წინადადების ფასი:

- ა) სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- ბ) სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

3.3 ხელშეკრულების პირობების შეუსრულებლობა:

- ა) ხელშეკრულებით ნაკისრი ვალდებულებების შეუსრულებლობისა ან/და დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო შეუსრულებელი ვალდებულების 0,5 % პროცენტის ოდენობით;
- ბ) საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

3.4 ხელშეკრულება სახელმწიფო შესყიდვის შესახებ:

ხელშეკრულების საბოლოო ვარიანტი დაზუსტდება ელექტრონულ ტენდერში გამარჯვებულ პრეტენდენტთან ხელშეკრულების გაფორმების პროცესში,

4. ერთიან ელექტრონულ სისტემაში პრეტენდენტის მიერ ასატვირთი დოკუმენტების ჩამონათვალი

4.1. როგორც ფიზიკური, ასევე იურიდიული პირისათვის:

- ა) რეკვიზიტები
 - ბ) ფასების ცხრილი - დანართი №-1 შესაბამისად;
- გ ყველა დოკუმენტი ხელმოწერილი და ბეჭედდასმული უნდა იყოს უფლებამოსილი პირის მიერ.

5 საკონტაქტო ინფორმაცია:

სატენდერო დოკუმენტაციასთან დაკავშირებული დამატებითი ინფორმაციისა და განმარტებები მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში, ან ტელეფონით. მისამართი: დ.ქედა, დაბა ქედა. 26 მაისის ქ. №1.

საკონტაქტო პირი: არჩილ დიასამიძე 577167717

შენიშვნა: საქონლის ერთეულის ფასსა და საერთო ფასს შორის სხვაობის შემთხვევაში უპირატესობა ენიჭება საქონლის ერთეულის ფასს.

შესყიდვის მოცემული რაოდენობა არის ზღვრული, რომელიც შეიძლება შემცირდეს ფაქტიურად საბავშვო ბაღებში ბავშვთა გამოცხადების საფუძველზე.

დანართი №1

აფიდავიტი

სატენდერო წინადადების დამოუკიდებლად განსაზღვრის თაობაზე გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

სატენდერო წინადადების ფასი;

სატენდერო წინადადების ფასის გამოთვლის მეთოდი, კოეფიციენტი ან ფორმულა;

სატენდერო წინადადების წარდგენა ან წარდგენისგან თავის შეკავება;

ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებულ ტენდერის პირობებს;

შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის- სამართლებრივ პასუხისმგებლობას საქართველოს სისხლის სამართლის კოდექსის 1951 მუხლის შესაბამისად.

დანართი №2

საბავშვო ბაღების მისამართები

1. დაბა ქედის №1 საბავშვო ბაღი ყ. შევაშვიძის ქ. № 6 – 0,9 კმ.
2. დაბა ქედის საბავშვო ბაღი
3. მერისის საბავშვო ბაღი – 9 კმ
4. ხარაულის საბავშვო ბაღი – 28 კმ.
5. ცხმორისის საბავშვო ბაღი – 18 კმ
6. წონიარისის საბავშვო ბაღი – 8 კმ.
7. **მახუნცეთის** საბავშვო ბაღი – 13 კმ.
8. ზუნდაგის საბავშვო ბაღი – 16 კმ.
9. პირველი მაისის საბავშვო ბაღი – 6 კმ.
10. დოლოგნის საბავშვო ბაღი – 18 კმ.
11. ცხმორისის (ახო) საბავშვო ბაღი – 10 კმ.
12. ვაიოს საბავშვო ბაღი - 10 კმ.
13. დანდალოს საბავშვო ბაღი - 20 კმ
14. ნამღისევის საბავშვო ბაღი -

პრეტენდენტის დასახელება -----

სატენდერო წინადადების ფასი -----

CPV	საქონლის დასახელება	საქონლის ტექნიკური და ხარისხობრივი მახასიათებლები	მწარმოებელი ქვეყანა	მწარმოებელი კომპანია	განზ. ერთ	რაოდენობა	ერთეულის ფასი (ლარი)	საერთო ღირებულება (ლარი)	მოწოდების გრაფიკი
15111100	საქონლის (პროხის) ხორცი	ახალი საქონლის ხორცი, ძვალგამოცლილი (ფილე) მყესების, ქონისა და თხელი ნაჭრების გარეშე. ორგანოლეპტიკურად (ფერი-ვარდისფერი, სუნი-სასიამოვნო, კონსისტენცია - ნორმალური) დამაკმაყოფილებელი. გაყინული და შემდეგ გამდგარი ხორცის მიწოდება დაუშვებელია.			კგ	2800			კვირაში ერთხელ გაერთიანების მოთხოვნის შესაბამისად
15112130	ქათმის ხორცი	ახალი, გაციებული ქათმის ხორცი. გაუყინავი, უთავო, უფეხო, გამოშიგნული(შიგთავისა და ჩიჩახვის გარეშე. ერთი ერთეულის (ქათმის) წონა არანაკლებ 1500 გრ და არაუმეტეს 3000 გრ			კგ	1300			კვირაში ერთხელ გაერთიანების მოთხოვნის შესაბამისად